

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Quomodo Iberes ad Christi fidem conuersi sunt. Cap. XVI.

urn:nbn:de:hbz:466:1-12704

ros ostendit: orat, vt Episcopum & clerum vna eo mittat, & minimè eos, qui ad viam salutis deduci possent, negligat. Athanasius id, quod ad hoc negocium maximè accommodatum videretur, animo complexus, Ipsum Frumentum episcopum designauit: dixitq; se neminem habere ad illud munus eo aptiorem. Res ergo sic confecta est. Frumentius episcopatus honorem adeptus, ad Indorū regionem reuertitur. Christi fidem prædicat: multas ecclesiæ extruit: atque diuina gratia donatus, multa miracula edit: multis hominū cum corporibus medetur, tum animis. Ista Ruffinus ab ipso AEdesio, qui etiam postea Tyri sacerdotij dignitatem obtinuit, se audiuisse narrat.

Quomodo Iberes ad Christi fidem conuersi sunt.

C A P. X V I.

IAM tempus eo me vocat, vt quemadmodum Iberes eodem tempore Christi fidem amplexari cœperint, commemorem. Mulier quædam, quæ pium & castum viuendi genus excolebat, diuina prouidentia, ab Iberibus capta est. Iberes isti prope pontem Euxinum habitant. Suntq; Colonia deducta ab Iberibus, qui Hispaniam incolunt. Mulier ista captiua, cum inter Barbaros versaretur, pietatis studio se totam dicauit. Nam multa erat in castimoniæ disciplina exercenda: seuerissima iejunandi ratione vsa est: ardentibus precibus se totam addixit. Quod cum Barbari animaduerterent, peregrinum & nouum rei gestæ modum admirantur. Accidit forte fortuna, vt regis filius, ætate admodum tenera, in grauem morbum delaberetur. Vxor autem regis, ad alias mulieres, vt patrius mos illic fert, puerum curandummittit, si quid forte remedij experientia perdoctæ ad morbū sanandum scirent. Vbi autem puer à nutrice circumlatus, & nulla muliere sanari poterat, tandem ad captiuam deducitur. Illa multis mulieribus præsentibus, quamquam nullum remedium ex materia confectum adhibebat, (nullum enim didicerat) puerum tamen capit: Cilicio suo superponit: Hæc solum profert verba: Christus, qui multos sanauit, etiam hunc sanabit infantem. Post hæc verba, vbi precata effet, Dei q; opem implorascer, confessim conualuit puer, recteq; deinceps se habuit. Fama rei gestæ inde ad omnes mu-

SOCRATIS HISTORIAE

lieres Barbaras, atque adeo ad ipsam reginam permanat: nomenque etiam captiuæ fit illustrius. Non longo tempore post, etiam regina ipsa in morbum incidit: mulier captiuæ accersitur: Illa ire recusat, ne quid amplius, quam sexus fineret, insolenter aggredetur. Regina igitur ad eam defertur. Eadem fecit, quæ in puero antea fecerat. Extemplo regina morbo liberata est: gratias agit mulieri, at illa, non est, inquit, hoc meum factum, sed Christi, qui est filius Dei, huius mundi fabricatoris. Hortatur ut eum inuocet: eum verum Deum agnoscat. Iberum rex morbum tam celeriter curatum esse, miratus percunctatusque, quis vxorem sanauisset, captiuam donis remunerari iubet. At illa, se diuitiarum minime indigere respondit: pictatem namque se habere pro diuitiis afferit: regemque munus amplissimum recepturum, si Deum, quem illa agnouit, vellet agnoscere. Haec locuta, dona remittit. Rex ista verba in animo recondit. Postero autem die illi ad venandum egredienti, tale quiddam obtigit. Montium iuga, & saltus, ubi venabatur, obscura nebula, & crassæ caligine circumfunduntur. Venatio incerta & perplexa fit: via obstructa & impedita. Rex cum incertus esset animi, quid ageret, deorum auxilium, quos colebat, obnixe implorat. Verum ubi nihil profecit, captiuæ mulieris Deus illi in mentem venit: eum adiutorem inuocat. Ac simul atque erat præcatus, nebula, caligoq; penitus discussa, & dissipata est. Factum admiratus, domum latus reddit: quod acciderat, vxori exponit. Illico captiuam accersit: illa in eius conspectum venit: Sciscitatur ab illa, quis ille Deus esset, quem coleret: Illa sic regem Iberum erudit, ut Christi præconem efficiat: Nam huius piæ mulieris hortatu Christi fidem amplexus, omnes Iberes, qui ipsius parebant imperio, in unum conuocat: illis vero ea, quæ de filij curatione, quæ de vxoris, quæ denique inter venandum illi ipsi acciderant, commemorat. Illos hortabatur, ut captiuæ Deum colerent. Vtrique Christum prædicant: rex viris, regina mulieribus. Ut primum formam, & effigiem ecclesiarum, quæ apud Romanos sunt, à captiuâ didicerat, templū construi mandat: actutum ea præparari iubet, quæ ad eius ædificationem spectabant. Domus orationis erigitur. Simul atque

atque columnas etiam erigere conabantur, in eo opere diuina prouidentia animas incolarum in fide ædificat, eosq; ad Christum attrahit. Vna ex columnis forte mansit immobilis, nec vlla machina poterat commoueri: rumpuntur funiculi, & machinamenta franguntur. Animum igitur despondentes operarij, discedunt. Tunc captiuæ fides sese palam ostendit. Nam noctu, cum nemo animaduerte-
ret, illa ad locum aduentat: tota nocte in precibus defixa, aduigilat: diuina prouidentia columna erigitur: in aere sublimis supra basim, nullo supposita fundamento, quo ni-
teretur, libratae suspensa hæret, dies illucescit: rex, qui ho-
mo attentus, & diligens erat, ad ædificium venit: colum-
nam propria basi librata, inque sublimi pendente, cer-
nit. Factum attonitus miratur: omnes qui aderant, ob-
stupescunt. Paulo post, illis inspectantibus, columna sua sponte descendit: & in propria basi se firmat. Inde clamor ab hominibus excitatur: regis fides vera esse prædicatur:
captiuæ Deus laudibus effertur. De cætero verò non hæ-
sitant, sed alaci ac prompto animo reliquas columnas e-
rigunt: exiguo temporis spatio opus absoluunt. Postea
ad Constantinum mittuntur legati: postulant ab eo, vt de
reliquo fœdera cum Romanis iungant, episcopum & sa-
crum clerum accipient. In Christum enim se syncere, & ex
animo credere affirmarunt. Hæc Ruffinus à Bacurio se di-
dicisse ait: qui primum Iberum regulus fuit: deinde ad Rō
manos aduentans, tribunus militum, quos habebant in Pa-
lestina, constituitur. Postea Imperatori Theodosio, in
bello contra maximum tyrannum suscepito, maximo subsi-
dio fuit. Ad hunc modum, temporibus Constantini, Ibe-
res Christianam religionem receperunt.

*De sancto & magno Antonio monacho, & Ma-
nete Manichæorum sectæ antesignano, &
vnde originem traxerit.*

CAP. XVII.

Eisdem temporibus Anthonius monachus in solitudi-
ne AEgypti vixit: vita ac moribus qualis ille fuerit,
quomodo cum dæmonibus palam & apertè dimicaret,

D 4 illo-